



Handbók

Rekstur vallarsjoppu og Síamótssjoppu

(yngra ár í 4.flokki kk og kvk)

Sigrún Óttarsdóttir
Nóvember 2016

Efnisyfirlit

Inngangur til umsjónarmanna/foreldra.....	2
Samskiptamáti og gögn:.....	3
Hlutverk sjoppu:.....	3
Sjoppunefnd:.....	3
Reglur varðandi þátttöku í sjoppuvöktum:.....	4
Úthlutun vakta:.....	4
Punktakerfi fyrir vinnuframlag:.....	4
Mönnun vakta og fleira:.....	5
Leikir hjá meistaraflokki karla:.....	5
Leikir hjá meistaraflokki kvenna:.....	5
Aðrir leikir:.....	5
Síamót:.....	6
17. júní:.....	6
Skipulag sjoppa:.....	6
Uppgjör vallarsjoppu/Síamóts:.....	6
Ýmis eyðublöð:.....	7

Inngangur til umsjónarmanna/foreldra.

Knattspyrnudeild Breiðabliks úthlutar foreldrum barna, sem eru að hefja æfingar á yngra ári í 4.flokki, leyfi til að reka vallarsjoppu á Kópavogsvelli sem fjáröflun fyrir utanlandsferð sem farin er á eldra ári í 4. flokki. Reka má sjoppuna á öllum knattspyrnuleikjum sem þar eru leiknir – einnig þegar t.d. yngri landsleikir eru spilaðir þar eða úrslitaleikir í yngri flokkum.

Rekstur vallarsjoppu nær líka yfir sjoppu á Síamóti, mögulega sölutjaldi á Rútstúni á 17. júní (sækja þarf um leyfi hjá Kópavogsbæ) og ef vilji er til að hafa sjoppu á undirbúningstímabili (janúar-maí) í Fífu þegar leiknir eru meistaraflokksleikir og von er á einhverjum áhorfendum.

Auk þess má reka sjoppur sem sérfráflanir á 5.flokks móti sem haldið er í janúar ár hvert (heilsusjoppa), á árlegu Pallaballi (hamborgarasala) en þessi handbók fjallar eingöngu um rekstur vallarsjoppu á Kópavogsvelli, Síamóti og 17. júní.

Rekstur sjoppunnar er alfarið í höndum sjoppunefndar sem kjósa þarf í úr foreldrahópi yngra ári 4. flokks kk og kvk í upphafi ársins.

Í þessari handbók verður farið yfir praktísk atriði sem snúa að rekstri sjoppunnar til að auðvelda nýjum hópi að taka yfir reksturinn. Það er þó ekkert heilagt í þessu og ef fólk hefur betri nálgun á hlutina þá er það að sjálfsögðu ekki bundið af skipulagi fyrri ára.

Einnig eru settar upp reglur varðandi punktagjöf fyrir vaktir og sjoppunefnd. Það er þó mikilvægt að gera sér grein fyrir því að aðkoma nefndarmanna er að stórum hluta í sjálfboðavinnu.

Ágætt er að miða við það að sjoppurekstur yngra árs hefjist að loknu 5. flokks móti í janúar hvert ár. Þá er passlegur tími til undirbúnings fyrir vorið.

Sjoppa fær afnot af aðstöðu hjá Breiðabliki og því þarf að greiða ákveðna % af ágóða sjoppu til Breiðabliks sem fer til BUR (Barna- og Unglingaráð Breiðabliks).

Rekstur sjoppunar á undanförunum árum hefur verið góð fjáröflun og það er alls ekki sjálfsagt að félög setji slíka fjáröflun í hendur á foreldrum barna í yngri flokkum þar sem þetta getur verið góð tekjulind fyrir félögin. Það er því mikilvægt að standa vel að þessu og í góðri samvinnu við knattspyrnudeildina þannig að þetta haldi áfram á komandi árum.

Samskiptamáti og gögn:

Sjoppunefndin hefur aðgang að g-maili sem tilheyrir sjoppunni (blikasjoppa@gmail.com) og þar fara fram öll samskipti vegna sjoppunnar. Drif sem fylgir g-mailinu heldur síðan utanum öll skjöl vegna sjoppunnar. Einnig er gott að búa til tvær facebook síður – eina fyrir sjoppunefndina og aðra fyrir alla þátttakendur í sjoppuvinnunni.

Mjög mikilvægt er að halda vel utanum allar skráningar á vaktir og mætingar því að fólk fær greitt miðað við vinnuframlag.

Skrifstofa Breiðabliks sér um að færa bókhald fyrir sjoppu, annast virðisaukaskatt uppgjör og sér um greiðslu reikninga.

Hlutverk sjoppu:

Hér að neðan koma fram helstu hlutverk þeirra sem vinna á sjoppuvakt hverju sinni:

Vallarsjoppa	Símamót	17.júní
Miðasala fyrir Breiðablik	Rekstur sjoppa á svæðinu	Rekstur sjopputjalds
Gæsla í hliði	Tæma ruslafötur á öllu svæðinu	
Rekstur sjoppunnar	Setja upp sölutjöld og bása	
Þrif á stúku(m) eftir leiki		

Sjoppunefnd:

Þegar búið er að kjósa umsjónarmenn að hausti (ca. í nóvember) úr hópi foreldra á yngri ári í 4.fl. þarf að fara að huga að kosningu í sjoppunefnd.

Í sjoppunefnd þurfa að vera 8-11 manns.

Nefndinni þarf að skipta upp í fjóra hópa eftir verkaskiptingu og er mikilvægt að reyna að velja inn í hópana fólk með reynslu eftir verkaskiptingunni og fólk sem duglegt er til verka. Rekstur sjoppunnar er mikil vinna og þetta er sjálfboðastarf að miklu leyti.

Hóparnir eru eftirfarandi og helstu hlutverk þeirra:

- Fjármálahópur(2-3)
 - Sjá um að posar séu í lagi í hverjum leik.
 - Skiptimynt í leikjum.
 - Lyklar að sjoppu.
 - Opna sjoppu fyrir hvern leik.
 - Uppgjör sjoppu eftir hvern leik (tveir aðilar).
 - Samskipti við bókara Breiðabliks.
 - Lokauppgjör sumars (Símamót, 17. júní og Vallarsjoppa o.fl. viðburðir).
- Innkaupa- og birgðahópur (2-3)
 - Pantar inn (sjá um alltaf sé til nóg af öllu).
 - Lagerhald.
 - Verðlagning.
 - Verðlistar.
 - Hafa birgðanýtingu sem besta þ.e. lágmarka rýrnum sérstaklega varðandi hamborgara.

- Vaktahópur (2-3)
 - Raðar á vaktir.
 - Finna vaktstjóra á vaktir.
 - Minnir á vaktir með tölvupóstum/facebook síðu.
 - Mæta með mætingalista í upphafi leiks .
 - Auglýsir og mannar aukavaktir.
 - Bregðast við ef forföll verða.
 - Skila vaktauppgjöri til fjármálahóps.
- Auglýsingahópur (hámark 2)
 - Auglýsa alla leiki á Kópavogsvelli á skiltum hér og þar um bæinn.
- Önnur verkefni (einhver 1-2 úr ofangreinum hópum taka að sér)
 - Þrif á sjoppu (4-5 sinnum yfir sumarið).
 - Flöskur og dósir í endurvinnslu.

Þegar búið er að kjósa í sjoppunefnd þá þarf hún að funda með nefndinni frá árinu áður til að komast af stað með undirbúningsvinnu.

Reglur varðandi þátttöku í sjoppuvöktum:

Þegar sjoppuvinna fer af stað þá sendir sjoppunefnd út póst til allra foreldra á yngra ári í 4.flokki kk. og kvk. til að kanna þátttöku foreldra og barna á sjoppuvöktum fyrir komandi sumar.

Þessi fjáröflun er einungis hugsuð fyrir þá sem ætla að fara í æfinga- og keppnisferð á vegum 4.flokks þegar krakkarnir eru komin á eldra ár í flokknum. Þetta þýðir að ef einhver hættir við að fara út og er búinn að safna punktum fyrir þá vinnu sem hefur verið lögð fram fær sá einstaklingur það ekki greitt út heldur deilist sú upphæð á allan hópinn. Mikilvægt að kynna þetta vel fyrir foreldrum.

Úthlutun vakta:

Gæta skal jafnræðis í úthlutun vakta. Reyna skal að koma til móts við fólk varðandi sumarfrí og hefja þarf vinnu við skipulag sumravakta snemma vors.

Þegar verið er að úthluta aukavöktum skulu þær vera aðgengilegar öllum og þeir njóta forgangs sem fæstar vaktir hafa.

Punktakerfi fyrir vinnuframlag:

Í svona rekstri fær fólk punkta fyrir vinnuframlag.

Einn punktur = Ein vakt (3-4 klst.)

Á hverri vakt vinnur foreldri og barn sem ein heild og því reiknast vinnuframlag foreldris og barns sem ein vakt. **Hvorki foreldri né barn getur mætt eitt á vakt.**

Þar sem vinna sjoppunefndar er mikil í undirbúningi og utanumhaldi þá fær fólk í sjoppunefnd ákveðinn fjölda punkta fyrir vinnu sína utan úthlutaðra vakta þó að þetta sé sjálfboðavinna. Hér að neðan er tillaga að punktaúthlutun fyrir sjoppunefnd vegna Vallarsjoppu og Síamámóts.

- Almennur undirbúningur og rekstur **Vallarsjoppu** = 3 punktar til hvers og eins
 - (vaktahópur, fjármálahópur, innkaupahópur).
- Auglýsingahópur = 2 punktar til hvers og eins.
- Undirbúningur, rekstur og frágangur **Síamámótssjoppu** = 3 punktar til hvers og eins
 - (vaktahópur, fjármálahópur, innkaupahópur).

Mönnun vakta og fleira:

Á hverri vakt er gott að hafa einn úr fjármálahópi til að starta vaktinni þ.e. sjá um að posar séu á svæðinu og hlaðnir, skiptimynt, opna sjoppuna og fleira. Í lok vaktar koma tveir úr fjármálahópi og gera sjoppuna upp og læsa. Ekki er gert ráð fyrir viðveru alla vaktina og því eru ekki greiddir punktar fyrir þessa vinnu sérstaklega heldur telst það sem almennur undirbúningur og rekstur sjoppunnar.

Á hverri vakt þarf að vera vaktstjóri sem heldur utanum vaktina og stjórnar henni. Sjoppunefndin skipar vaktstjóra úr hópi þeirra foreldra sem eru á vakt.

Mönnun vakta fer síðan eftir því álagi sem menn gera ráð fyrir hverju sinni. Skiptir þá máli hvort um er að ræða stórleiki hjá meistaraflokkunum eða ekki. Einnig skiptir tímasetning leikja máli – það fækkar t.d. á vellinum yfir mesta sumarleyfistímann og leikir seinnipart á laugardegi eru verr sóttir en aðrir. Einnig geta leikir seint á hausti verið verr sóttir en aðrir en þetta er þó allaf háð gengi liðanna á hverjum tíma.

Hér að neðan er tillaga að fjölda á hverri vakt miðað við tegund leikja/viðburða. Á stærstu leikjunum eru stundum opnaðar tvær sjoppur í stúkunni – ein í hvorum enda.

Leikir hjá meistaraflokki karla:

- Stórleikir: 20 krakkar + 20 foreldrar.
- Minni leikir: 14 krakkar + 14 foreldrar.

Leikir hjá meistaraflokki kvenna:

- Stórleikir: 14 krakkar + 14 foreldrar.
- Minni leikir: 8 krakkar + 8 foreldrar.

Aðrir leikir:

Hlutverk hér fara eftir því hvað þarf að gera í hvert sinn þ.e. hvort um sé að ræða miðasölu, gæslu í hliði, hamborgarasölu – það sem alltaf þarf að gera er að hafa sjoppu opna og þrifa stúku.

- Úrslitaleikir yngri flokka – lágmark 4/hámark 8.
- Landsleikir yngri landsliða - lágmark 4/hámark 8.

Símamót:

Á Síamamóti eru margar sjoppur á Blikasvæðinu og skipulagið því flóknara. Hægt er að nálgast vaktaskipulag fyrra árs hjá síðasta vaktahópi.

Sjoppur sem um ræðir eru t.d. vallarsjoppa, stórt tjald á bílastæði, lítið tjald við endann á Fífunni/Fífuvöllum, sjoppa inni í tengibyggingu, hamborgarasjoppa fyrir utan inngang á Kópavogsvöllinn.

Talsvert er um sérpantanir vegna þessa móts eins og fyrir sjoppu á kvöldvöku, vöflur, samlokur, pylsur og kakó. Að öllu þessu þarf að huga í tíma.

17. júní:

Hér er um að ræða eitt tjald á Rútstúni sem sækja þarf um leyfi til Kópavogsbæjar. Mikilvægt að gera það tímanlega þar sem dregið er úr umsóknum og ekki sjálfgefið að Breiðablik fái sölutjald. Einnig þarf að sækja um heilbrigðisvottorð til Heilbrigðisnefndar Kópavogs og Hafnarfjarðar. Greiða þarf leigu fyrir sölutjaldið. Kópavogsbær er með næturvakt á svæðinu og því hægt að koma kvöldinu áður og stilla upp sjoppunni og koma með birgðir.

- Mismunandi er hversu margir eru á hverri vakt – fer eftir hvenær dagsins vaktir eru, flestir eru á miðjum deginum þegar álagið er mest.
- Hægt er að nálgast vaktaskipulag fyrra árs hjá síðasta vaktahópi .
- Tillaga að vöruframboði:
 - Pylsur.
 - Almennar vörur úr vallarsjoppu.
 - Snuð og aðrar týpískar vörur fyrir 17.júní – passa þarf upp á að panta ekki of mikið og hverju sé hægt að skila.

Skipulag sjoppa:

Vallarsjoppa og Síamamótssjoppa eru aðskildar sjoppur þ.e. þær eru gerðar upp í sitthvoru lagi og punktar á vöktum í þessum sjoppum því misverðmætir. Einnig er sjoppa á 5.flokks móti í janúar gerð upp sér.

17. júní sjoppa hefur hingað til fallið undir vallarsjoppuna og því inni í því uppgjöri. Þessu má þó breyta ef fólk sýnist svo, en hafa ber í huga að það er talsverð vinna að gera svona viðburð upp sérstaklega.

Uppgjör vallarsjoppu/Síamamóts:

Uppgjör er unnið í samvinnu við bókhald Breiðabliks.

Breiðablik fær hlutdeild í hagnaði hvers árs þar sem deildin leggur til bókhaldsvinnu vegna reikninga sjoppunnar, móttöku á vörum, húsnæði og aðstöðu svo eitthvað sé nefnt. Sjoppunefnd fundar með framkvæmdarstjóra knattspyrnudeildar vegna hlutdeildar í hagnaði.

Þegar sjoppa er gerð upp skal senda foreldrum/forráðamönnum allar helstu upplýsingar úr rekstrinum svo sem heildarveltu, hagnað, hlut knattspyrnudeildar og verðmæti hvernar vaktar/punkts. Til að fullkomið gagnsæi ríki um þessa fjáröflun skal í lokin gefa upp fjölda vakta hvers og eins bæði fyrir vallarsjoppuna og Síamamótið.

Mælst er til þess að enginn einn iðkandi geti fengið meira greitt úr þessum sjoppurekstri (vallarsjoppa + Síamamót) en sem nemur andvirði þess sem verið er að safna fyrir.

Ýmis eyðublöð:

Hér á næstu síðum má finna tillögur að eyðublöðum sem hafa nýst vel í sjoppuvinnu. Einnig eru hér skjöl sem innihalda ýmsar gagnlegar upplýsingar.

- Uppgjörsblað fyrir hvern leik.
- Leiðbeiningar um hlutverk í vallarsjoppu.
- Tékklisti vegna vaktar.

Uppgjörsblað:

Leikur	Breiðablik - ÍBV (kvk)		
Dagsetning	6.9.2016		
Ábyrgur			
Skiptimynt í upphafi leiks			
Sala - peningar			Upphæð í kassa minus skiptimynt
Sala - posar	Debetkort	Kreditkort	Samtals
Posi #1 (6915)			
Posi #2 (6915)			
Posi #3 (6915)			
Posi #4 (6915)			
Posi #5 (6915)			
Posi #6			
Posi #7			
Posi #8			
Posi #9			
Posi #10			
Samtals			
Heildarsala leiks			
Skiptimynt í næsta leik			
Lagt inn á bankareikning 0130-26-016404			Kl. 410284-1389
Aðrar tekjur (sala til blikaklúbbs t.d.)			
<hr/>			
Undirskrift vaktstjóra			
<hr/>			
Undirskrift fulltrúa fjármálahóps			

Leiðbeiningar um hlutverk í vallarsjoppu

Hlutverk sjoppuvaktstjóra

Hagnýtar upplýsingar

Símanúmer hjá vaktmanni í stúku er 860 6407 - hringja ef eitthvað kemur upp á t.d. rafmagnsleysi, leki eða eitthvað þess háttar.

Lykill að grænu stóru ruslafötunum hangir á veggnum þar sem gengið er inn í sjoppuna.

Fulltrúi fjármálahóps (yfirleitt eru þeir tveir á hverjum leik) mætir fyrir hvern leik með lykil að sjoppunni, posa og skiptimynt. Fjármálahópur gengur líka frá uppgjöri í lok leiks og sér um að læsa sjoppu.

Hlutverk vaktstjóra:

- Athuga hvort skiptimynt sé til staðar (fjármálahópur mætir með þetta fyrir hvern leik). Ef skiptimynt klárast, er hægt að fá meira í miðasölunni, þ.e. skipta á seðlum og skiptimynt.
- Skrá mætingu hjá öllum mjög mikilvægt láta foreldra kvitta. • Setja posana í gang bæði fyrir sjoppu og miðasölu. Símanúmer, ef vesen með sjoppuposa, er 525 2100 (bakvakt Valitors).
- Yfirleitt er bara ein sjoppa opin, en ef áhorfendafjöldi fer yfir 1500 þarf að skoða hvort opna beri aðra sjoppu í norðurenda stúkunnar. • Kveikja á hitakassa fyrir hamborgarana.
- Kveikja á kaffivél.
- Passa að allir (foreldrar og börn) séu í blikavestum hanga inn í sjoppunni.
- Mikilvægt að það séu alltaf a.m.k. 2 fullorðnir í sjoppunni og nauðsynlegt að einn fullorðinn passi upp á peningakassann.
- Úthluta foreldrum og krökkum verkefni, bæði byrjun og í lokin: ○ Sjoppa inni ○ Sjoppa úti ○ Miðasala og vallarhlið foreldrar eru með teljarana (A.m.k. 2 + 2 fullorðnir) leiðbeiningar varðandi miðasölu eru í miðasöluskúr
 - Hver sér um kaffið og það sem tilheyrir því ○ Hver sér um að passa að alltaf sé nóg af köldum drykkjum í kæli
 - Hverjir sjá um að grilla og græja hamborgara (34 fullorðnir)
 - Hver sér um að vera hlaupari milli sjoppa (ef tvær í gangi) og jafnvel sækja kaffi inn í Smára
 - Hver sér um að grilla samlokur (þegar þær eru í boði) ○ Hver sér um að koma ruslafötum á sinn stað
 - Hverjir þrifa stúkuna í lokin (kústar inn í sjoppu)
 - Hverjir sjá um að safna flöskum og dósnum í lokin ○ Hverjir sjá um að fara með ruslapoka í gáminn
 - Hverjir sjá um að þrifa gasgrillin í lokin og kanna stöðuna á gasinu
 - Sjá til þess að vallarhlið séu opnuð áður en leik lýkur til að ekki myndist mikil biðröð og troðningur
- Skrá niður hvort það vanti einhverjar vörur í lokin og senda upplýsingar um það til innkaupanefndar.
- Passa upp á að það sé búið að ganga frá öllu á sinn stað í lokin og allt sé hreint og snyrtilegt.
- Fulltrúi í fjármálahópi kemur og gerir upp posa og telur pening í lokin vaktstjóri kvittar upp á.
- Skila miðasölukassa til knattspyrnudeildar (Eysteinn/Sigurður) eftir leik er best að koma með miðasölukassann inn í sjoppu fulltrúi knattspyrnudeildar kemur þangað og sækir kassann.
- Setja afgangsborgara og brauð í frystikistuna og samlokur líka.
- Skila af sér mætingaskjali til vaktahóps.

Grillaðir hamborgarar:

- Tveir fullorðnir á grilli og a.m.k. tveir í frágangi og pökkun. Áður en byrjað er þarf að:
 - Fara yfir grillin og kanna hvort nóg gas sé á kútum.
 - Skera niður grænmeti í eldhúsi í stúku.
 - Passa að grilla ekki of marga hamborgara yfirleitt fer meira fyrir leik en í hálfleik trixið er að lesa í eftirspurnina og þann fjölda sem er á leiknum.
 - Ef mikið af hamborgurum er í hitakassa, er mikilvægt að passa vel upp á að snúa þeim reglulega þar sem þeir eiga það til að brenna ef þeir liggja of lengi í hitakassanum.
 - Ef hamborgarar eru enn til í lok leiks, þá er um að gera að lækka verðið á þeim til að koma þeim út, t.d. niður í 500kr.

